

■ GLOSSA

Pussy Riot sa derasan

DA SILVIO CAMENISCH



transparents: Free Pussy Riot! Malmidà.

Uss avain nus la merda. Arrivan l'emprima emna da scola mattatschas fitg fitg segiras da sasezzas, tut sa vestgidas da Pussy Riot sin plazzals da scola «fan canera or dad odi religius e scolastic». Tut sa vestgidas è insatge auter! er tar nus educaturas tut tgeninas fitg fitg lev vestgidas. Sa quai il manader spiertal dal rectorat per l'instrucziun da ductrina ed etica? (resultat da pausa 1:1). San quai ils dus Vitus da l'investgieu, èn Els vegnids dumandads, vegnids infurmads da las activitads per l'entschatta da l'onni da scola? Betg dumandads, betg infurmads? Prend'ins betg pli per necessari. Ins fa tge ch'ins vul. Relativissem sa derasand, quai rasant (er tar nus).

Activitads tut en urden, sch'ellas servan a la buna chaussa, ma activismus uschia betg! Betg uschia! Scolas en moviment n'avain nus nagut encunter, èn gea in nov credo (da bliers) dapertut. Landauf, landab sco nus schain. Ma betg activismus da veneraturas da Pussy Riot! Sin la fatschada da nossa venerabla chasa da scola veglia legevan nus da noss temp: Initium sapientiae timor domini! – L'entschatta da la sabientscha è la tema da Dieu!, faschevan in enclin, plus ina sontga crusch. Oz legin nus là sin paravents e

Na! Tailunas uschia, cun retorica da guerra da liberaziun, democrazia, vardad tgenina adina, sco: Free Pussy Riot! Free Pro idioms! betg sin il culm sontg Mundaun! Navair betg, signur v. istoricher emerità Adolf fitg fitg activ, pir ch'inscur. Noss culm sontg, in fenomen, in'icona, in mitus!, na dain nus betg nà per activismus politic uschia! Nus lain ils culms bels en general, il sontg Mundaun, scuvrì endretg, oben ohne, sco fin uss. Sco pensiunari voluntari gain nus en ustarias e chapluttas, en tuttas, a referir dalonder e surlonder. Nus dain or in cudesch illustrà a temp sin la messa rumantschatudestga da cudeschs. Giasts da surpraisa: Pussy Riot.

L'odi sto esser immens, Luschioglio na vegnissan quellas Pussys Riot (pop. muzlas, vulg. fozzas) betg uschia in extremis sin noss plazzals da scola, er ru-

mantschs, provotgassan mainascolas e magistraglia. Èn quellas ablas da giuditgar sezzas? Tge Kinderstube han quellas gi, signur Vitus? Bain educadas è insatge auter! Tranter auter giuvnas mammas cun segunds partenaris per in temp, garantì betg perpetnadad! Chantar. Sautar. Sbragir. Senza nagin resguard! Uschia betg.

Nossas tantas segundas Nabitaziuns, quellas daventan er terzas abitaziuns!, ti mo spetga ed has pazienza anc in pitschen mument, na dastgan mai mai vegnir malduvradas per activismus sco tar las commembras da la grupp da punk Pussy Riot, culpantas, navair betg, signur cuss. naz. C. ch'essas il shootingstar en la scena? E sche nus lain da pliras, da pliras – avain nus mai avunda? èn maltempranza ed engurdientscha en surbajegiar e sutbajegair e tranterenbajegair betg putgà? Liebe Sünde, insaco? Egal. Activismus pur cunter nossa chaussa, chaussa nossa, vegn stenschentà da bell'entschatta.

Pefin sin plazzals da chatscha auta e pli bassa sontga! sontga! quint'ins quest onni cun activismus da Pussy Riot «or dad odi da mazzament festivà»; n'è gea betg mazzament sin giavisch da la victima. Tötung auf Verlangen. Insatge ch'i n'ha mai dà.